



**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

xx [i.e. xv]. In distinctione rationis non fit præcisio objectiva.

---

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

est similis, secundum alteram dissimilis, ergo hæ formalitates dantur à parte rei, & inter eas distinctio. Nam secundum totam essentiam est bruto similis & dissimilis, id est, imperfectè similis ; quod enim imperfectè est simile, etiam est dissimile, non tamen est similis, & non est similis. Sic itaqùe res una secundum idem potest esse similis & dissimilis, non tamen æqualis, & inæqualis, cùm æqualitas non admittat magis & minùs.

XV. In distinctione rationis non committitur præcisio objectiva, quâ intellectus rem unam eandemqùe ita dividat per suos conceptus inadæquatos, ut cognitâ unâ objecti perfectione, prorsus non cognoscat alias priori identificatas, V.G. possit in Petro cognoscere principium sensationum, non cognito principio ratiocinationum, ac si principium ratiocinationum non esset in Petro. Ubi enim non est unum & alterum, ibi non potest cognosci unum sine altero, sed in re una & simplici non est unum & alterum, ergo ; adeoqùe si cognito animali in Petro, non cognosceretur rationale, quod non est aliud ab animali, idem cognosceretur & non cognosceretur, quod non minùs re-

{ 7 pugnat,

pugnat, quām idem amari, & non amari, idem videri & non videri. Ad quod dicere, non repugnare rem realiter unam, intentionaliter tamen multiplicem cognosci & non cognosci, est petere principium, & responde-re per circulum; rem enim intentionaliter esse multiplicem, juxta **Adversarios** est; rem posse variis conceptibus, objectivè præscin-dentibus concipi, quod est in quæstione, ideoqùe, iterum ajunt, potest diversis con-ceptibus objectivè præscindentibus concipi, quia est virtualiter multiplex. Etsi igitur quis à longè videns animal affirmare possit, illud, quod videtur, esse animal, & affirmare non possit, vel etiam negare possit, illud esse ra-tionale, non cognoscit tamen ideo eadem cognitione animal, non cognoscendo ratio-nale; nam licet neget esse rationale, adhuc cognoscit rationale, sed confusè in ordine ad sensationes, adeoqùe non determinatur ad affirmandum, esse rationale, sed manet liber ad illud negandum. Cujus ratio est, quòd non habeat species ratiocinationum, sicut habet sensationum, per quas conno-tatorum seu operationum species illorum principia in se imperceptibilia, nullasqùe speci-

species sensibus imprimentia , cognosci queunt. Unde aliud est , cognoscere rationale , ad quod sufficiunt species haustæ à sensationibus animalis rationalis , aliud, cognoscere esse rationale , ad quod requiritur , ut quis habeat species ab ipsis ratione ntionibus emissas. Aliud item est , habere species rationalis ; aliud, habere species rationalis ut rationale est , seu repræsentantes rationale formaliter ; vi quarum possim rem discernere ab omni non rationali. Atq; idè est , quòd res cognita hoc modo non debeat significari per τὸ *rationale* , sed per vocem *animal* , non quòd ea rationalis non sit , sed quòd non sit cognita cognitione tali , ut illi hæc vox , significans rem tam distin ctè cognitam , ut vi istius cognitionis disting uatur ab omni non rationali , conveniat. Ex quibus tamen non sequitur , rem eandem cognosci clare & non cognosci clare ; nam ( præterquam si τὸ *non clare* accipiatur positivè , significetq; idem , quod *obscure* cognosci , non efficiat propositionem alteri contradictoriam ) dum cognosco animal formaliter , seu principi um sensationum in ordine ad sensations ,

eādem

eadem claritate, eadem cognitione cognosco principium ratiocinationum in ordine ad sensationes, & obscure in ordine ad ratiocinationes: immo cogitâ hac ratione animalis formaliter, cognosco etiam rationale formaliter, id est, entitatem illam, quæ simul formaliter est animal & rationale, seu etiam cognosco rationale formaliter in ordine ad sensationes, non tamen formaliter in ordine ad proprium connotatum. Neque contra hanc doctrinam opponas: ubi datur conceptus formaliter præscindens, ibi dari debet objectum præcillum, consequenter præcisioni formalis debet correspondere præcisio objectiva; nam conceptui præscindenti formaliter correspondet objectum formaliter præcillum, quod appellare poteris præcisionem formalem rationis, quæ denominatio extrinseca non distinguitur à conceptu præscindente formaliter & objecto sic diversimodè cognito, adeoque nihil dicit tenens se ex parte objecti.

XVI. Gradus metaphysici (qui sunt prædicata illa communia superiora & inferiora recensita in prædicamento) in eodem individuo distinguuntur solum ratione ratiocinata;